



«EDUS» «EDUKACIJA ZA SVE»
Udruženje za unapređenje obrazovanja i podrške djeci sa i bez poteškoća u razvoju
«EDUS» «EDUKACIJA ZA SVE»
Udruga za unaprijeđenje obrazovanja i potpore djeci sa i bez poteškoća u razvitku
«ЕДУС» «ЕДУКАЦИЈА ЗА СВЕ»
Удружење за унапређење образовања и подршке дјечи са и без потешкоћа у развоју
«EDUS»«EDUCATION FOR ALL»
Association for advancement of education and support for children with and without developmental delays

Ministarstvo obrazovanja, nauke i mlade Kantona Sarajevo
Reisa Džemaludina Čauševića br.1
Sarajevo
n/r prof.dr. Elvir Kazazović, ministar

Sarajevo, 13.04. 2016.

Predmet: Prijedlog izmjena i dopuna prednacrtu zakona o osnovnom odgoju i obrazovanju u Kantonu Sarajevo vezano za učenike sa teškoćama - obrazloženje

Poštovani ministre Kazazoviću,

S obzirom na predstojeći proces usvajanja i donošenja izmjena i dopuna Zakona o osnovnom odgoju i obrazovanju u Kantonu Sarajevo, odnosno donošenja novog zakona kojim će se regulisati navedena oblast, ovim putem Vam dostavljamo prijedloge izmjena i dopuna prednacrtu teksta Zakona.

Obzirom na interesnu skupinu koju predstavljamo, predložene izmjene i dopune se odnose isključivo na ostvarivanje prava na osnovno obrazovanje učenika s teškoćama i smetnjama u razvoju i nadzor nad provođenjem individualnih obrazovnih programa (IOP):

- Poglavlje X- UČENICI S TEŠKOĆAMA U RAZVOJU, članovi 67-72.
- Poglavlje XVIII - NADZOR NAD ZAKONITOŠĆU RADA I STRUČNI NADZOR, Član 113

Najznačajnije izmjene i dopune prednacrtu Zakona se temelje na principu najboljeg interesa učenika, a to je da inkluzivno obrazovanje učenika s teškoćama koje, kad god je to moguće, treba da počinje i završi u redovnim osnovnim školama kroz stručnu izradu, provođenje i nadzor efikasnosti individualnih obrazovnih programa (IOP).

Zavisno od stanja učenika sa teškoćama, IOP se priprema i realizuje u redovnim školama i centrima kroz različite nivoe podrške, što detaljnije treba biti definisano Pravilnikom o inkluzivnom obrazovanju.

Prilikom upisa, ukida se i diskriminirajuća kategorizacija kao uslov osnovnog obrazovanja učenika sa teškoćama.

Također, predložili smo i uvođenje eksperimentalnih programa, te ljetnje i zimske škole za učenika s teškoćama.

Mjedenica 34, 71000 Sarajevo
tel. +387 62 696 235
edus.bih@gmail.com
www.edusbih.org



«EDUS» «EDUKACIJA ZA SVE»
Udruženje za unapređenje obrazovanja i podrške djeci sa i bez poteškoća u razvoju
«EDUS» «EDUKACIJA ZA SVE»
Udruga za unaprijeđenje obrazovanja i potpore djeci sa i bez poteškoća u razvitku
«ЕДУС» «ЕДУКАЦИЈА ЗА СВЕ»
Удружење за унапређење образовања и подршке дјечи са и без потешкоћа у развоју
«EDUS»«EDUCATION FOR ALL»
Association for advancement of education and support for children with and without developmental delays

Pristupajući analizi dostavljenog Prijedloga prednacrt, došli smo do zaključka da je prilikom definisanja obrazovanja djece sa teškoćama u razvoju težište stavljeno na odgojno-obrazovne i rehabilitacione centre, stavljajući njihovo obrazovanje u redovnim školama u drugi plan.

Smatramo da su Prijedlogom prednacrt definisana prava centara na brojne privilegije, uz vrlo mali nivo odgovornosti. Tako u postojećem Prijedlogu (Član 71.), u centrima se čak ne provodi niti evaluira individualni prilagođeni plan i program, nego je evaluacija predviđena samo u redovnim osnovnim školama. Takvo predloženo rješenje smatramo nedopustivim, s obzirom da ovakav nivo kontrole nastavnog procesa mora postojati i u centrima, kako bi se uspješno ostvario najbolji interes svakog učenika sa teškoćama.

Individualni prilagođeni plan i program mora biti podložan promjenama, ukoliko je to potrebno, kako bi svaki učenik sa teškoćama u razvoju ostvarilo svoj puni potencijal.

Prijedlog prednacrt zadržao je i diskriminirajuću kategorizaciju djece kao uslov osnovnog obrazovanja učenika sa teškoćama, što je neprihvatljivo i potrebno ju je gore navedenim izmjenama ukloniti.

S poštovanjem,

mr. Admir Čeljo, dipl.el.ing., predsjednik Savjeta roditelja EDUS-a

Prilog CD sa fajlovima i print forma:

- EDUS_izmjene_i_dopune_zakon_osnovno_obrazovanje-nacrt
- EDUS_Prijedlog-nacrta-zakona_izmjene

„EDUS“ („EDUKACIJA ZA SVE“) je neprofitna, nevladina organizacija koja razvija i unapređuje obrazovanje i podršku djeci sa i bez poteškoća u razvoju, partnerstvom sa vladinim, nevladinim i profitnim sektorom, kroz edukaciju, informiranje i podizanje svijesti javnosti

Mjedenica 34, 71000 Sarajevo
tel. +387 62 696 235
edus.bih@gmail.com
www.edusbih.org